

**Marloriaammik akileraannginnissaq pillugu danskit kalaallilu
Isumaqatigiissutaannut ilassutitut isumaqatigiissut**

Danskit naalackersuisuisa aamma Naalackersuisut, aningaasarsianit pigisanillu marloriaammik akileraarnissaq pinngitsoorniarlugu kiisalu akileraartarnermi suliaasanik ikioqatigiittarnissaq pillugu isumaqatigiissutip 18. oktober 1979-imeersup, ilassutitut isumaqatigiissutikkut 19. august 2008-meersukkut kingullermik allanngortinneqartup allanngortinneqarnissaa pillugu ilassutitut isumaqatigiissummik isumaqatigiissuteqarumasut, makku isumaqatigiissutigaat:

Allaaserisaq1

Isumaqatigiissummi allaaserisaq 17-ip kingornanut allaaserisaq nutaaq ilanngunneqassaaq:

”Allaaserisaq 17 a

Soraarnerussutisiat

1. Soraarnerussutisiat akissarsiallu assingusut allat naalagaaffiup ilaaneersut inummullu naalagaaffiup ilaata aappaani najugaqartumut tunniunneqartut naalagaaffiup ilaata aappaani taamaallaat akileraaruserneqassapput, tamanna siusinnerusukkut sulisimanermut tunngassuteqarpat tunngassuteqanngikkaluarpalluunniit. Taamaattorli soraarnerussutisiat akissarsiallu assingusut allat naalagaaffiup ilaani siullertut taaneqartumi akileraaruserneqarsinnaapput imaattoqartillugu:
 - a) pissarsisup soraarnerussutisiaqalernissamut aqqissuussinermut akiliutigisimasai pissarsisup naalagaaffiup ilaani siullertut taaneqartumi, naalagaaffiup ilaani tassani inatsisit naapertorlugit aningaasarsiaanit akileraaruteqaataasussanit ilanngaatineqarsimappata; imaluunniit
 - b) akiliutit sulisitsisup akilersimasai pissarsisumut naalagaaffiup ilaani siullertut taaneqartumi, naalagaaffiup ilaani tassani inatsisit naapertorlugit akileraaruteqaataasussaasimangippata.
2. Soraarnerussutisiat pensionskassemitt ingerlatsivimmilluunniit taamaaqataanit allamit, soraarnerussutisiaqalernissamut aqqissuussinernik neqerooruteqartumit inuit soraarnerussutisianik pisartagaqalernissartik siunertarlugu ilannguffigisinnaasaannit tunniunneqarpata naalagaaffiup ilaaneersutut isigineqassapput, pensionskasse ingerlatsivilluunniit taamaaqataa alla naalagaaffiup ilaani tassani inatsisit naapertorlugit pilersinneqarsimappat, akileraartarnikkut akuerisaappat nakkutigisaappallu.
3. Inuk Danmarkimi najugaqartoq soraarnerussutisiaqalernissamut aqqissuussinermitt soraarnerussutisianik pissarsisarpata, pineqartullu Kalaallit Nunaanni najugaqarallannerani aqqissuussinermut akiliuteqartoqartarsimappat soraarnerussutisiat aningaasarsianut akileraaruteqaataasussanut, soraarnerussutisianik akileraarusiisarneq pillugu inatsimmi § 20, imm. 4-mi 5-imilu maleruagassat naa-

pertorlugit tamakkiisumik ilaannakuusumilluunniit ilanngunneqassanngillat. Soraarnerussutisiaqalernissamut aaqqissuussinermi tunniunneqartut soraarnerussutisianik akileraarusiisarneq pillugu inatsit naapertorlugu akileraarusigassanut ilaappata, tunniunneqartut soraarnerussutisianik akileraarusiisarneq pillugu inatsimmi § 32, imm. 1-imi 3-milu maleruagassat naapertorlugit akileraarummik taassuminnga tamakkiisumik ilaannakuusumilluunniit akileraaruserneqassanngillat.”

Allaaserisaq 2

Allaaserisaq 25-mi makku allannguutigitinneqarput:

- a. Immikkoortoq 2 atorunnaarsinneqarpoq.
- b. Immikkoortoq 3-mi manna immikkoortoq 2-nngortumi allassimasoq ”amma 2” atorunnaarsinneqarpoq.

Allaaserisaq 3

Imm. 1. Ilassutitut isumaqatigiissut manna atortuulissaaq ullormi illua’ tungeriit marluullutik atsiuifianni.

Imm. 2. Ilassutitulli isumaqatigiissut siusinnerpaamik atortuulissaaq ullormi Folketingip isumaqatigiissummik akuersissuteqarnera pillugu inatsimmik nalunaarutiginniffiusumi.

Imm. 3. Ilassutitut isumaqatigiissut atuutilissaaq ulloq 1. januar 2013 aallarnerfigalugu.

Allaaserisaq 4

Ilassutitut isumaqatigiissut manna atuuttuassaaq isumaqatigiissut 18. oktober 1979-imeersoq atuut-sillugu.

Københavni suliarineqarpoq, ulloq2012, danskisooq kalaallisoorlu marlungorlugit, taakkulu oqaasertaat naligiimmik atuussuseqarput.